



UNIVERSITÄTS-
BIBLIOTHEK
PADERBORN

Regvlæ Societatis Iesv

Angeli, Bernardo d'

Romæ, 1616

Regulæ Peregrinorum.

[urn:nbn:de:hbz:466:1-68329](https://nbn-resolving.org/urn:nbn:de:hbz:466:1-68329)



REGVLAE

PEREGRINORVM.



Peregrinationis finis.

1



Ersuadeant sibi, peregrinationis finem non tam esse corporis defatigationem, & vt multum iter cōficiant, quam vt ex ea fructum aliquem spiritualē percipiant: atque ex eo fine, & iter ipsum, & ceteros peregrinationis labores moderentur.

Litanæ, vel itinerarium.

2

Litanias simul omnes quotidie in ipso itineris ingressu, vel Itinerarium dicant; nec orationem, & consueta examina prætermittant, & alias etiam Regulas obseruent, quantum ratio itineris permittet.

In itinere meditatione, & pijs colloquijs subleuentur.

3

Studeant frequenti oratione, & meditatione comitem itineris sibi Christum facere: & colloquijs interdum pijs, & religiosis, ac lectione alicuius libri pij molestias itineris

leuare

leuare poterunt. Quod si cum externis in-
via, aut in hospitij egerint, meminerint pro
ratione sui gradus, habita ratione temporis
& personarum, sermones de rebus spirituali-
bus inducere, & fructum aliquem, quoad po-
terunt, efficere.

4 Eleemosynas simpliciter pro Christi
amore petant; vt omni spe illa abiecta, quam
in pecunijs, & rebus creatis habere possunt,
integre, vera cum fide & ardenti amore eam
in suo Creatore, ac Domino constituent; me-
mores, à Christo Domino Apostolos sine fac-
culo, & pera missos; ipsum etiam Dominum
non habuisse, vbi caput reclinaret.

5 Indigentia, & penuria rerum corpori
necessariarum probari exoptent, vt ad in-
commoditatem cibi somniue capiendi liben-
ter assuefiant: iniurias vero, illusiones, & op-
probria, quæ in itinere inferri contigerit, pa-
tienter cum Dei gratia ferant, gaudeantque,
materiam præberi sibi imitandi aliquo modo
Christum Dominum, eiusque vestibus, atque
insignibus seipsos induendi.

6 Qui maioribus pollent ad viam pera-
gendam viribus, eos, qui sunt infirmiores,
subsequi & non præcedere debent: & iter cu-
iusque diei horum debilium infirmitate com-
mensuretur. quod si quis viribus destitue-
retur, iumento, aut alia ratione iuuari de-
bet: qua in re non qualitatis personarum,

In Exam. c. 4.
§. 12.
Eleemos. quo-
modo petent.

In Exam. c. 4.
§. 12 & 26.
Indigentiam,
penuriam, &
iniurias pa-
tienter ferant,
Ibid. §. 44.

Debiles vt
subleuandi.

sed necessitatis, & caritatis fraternæ ratio est habenda.

Quid cum in morbum inciderint.

7 Si quis in morbum incideret, ita vt vltimè progredi non posset, nec expediret reliquos ibi moram trahere; si vicinum esset Collegium, aut Domus Societatis, eo esset æger (si modo morbus patiatur) deducendus: alioqui aliquis ex nostris illi erit socius relinquendus, vt consolationi ei sit, & auxilio: agro autem viribus restituto, cœptum iter ambo prosequantur.

Inuitati, verbis, & exemplo hospites ædificent.

8 Si in via ab honesto, & pio amico inuitarentur, posset, qui præest, hospitalitatis beneficium admittere: tunc autem curare debent verbis, & religioso exemplo hospites edificatos in Domino relinquere.

Sobrietas, modestia, & ædificatio.

9 Eiusdem ædificationis, & exempli in omnibus hospitij meminerunt debent, sobrietatis etiam in mensa, & modestiæ in conuersatione nunquam obliuiscantur.

Bonum exemplum.

10 Cum in itinere ad Collegia, vel Domos Societatis diuertent, studeant omnes bonum ædificationis odorem exemplo vitæ, ac morum, nostris relinquere. De rebus vero aut personis aliorum Collegiorum, aut Domorum nihil loquantur, aut tractent, nisi ad ædificationem.

In locis nostrorū nil ab externis petendum.

11 Si transferint per locum, vbi Domus, aut Collegium Societatis sit, nihil ab externis, nec pro se, nec pro alijs petant, aut accipiant

cipiant sine facultate Superioris eiusdem Do-
mus, vel Collegij.

12 Omnes alij, qui iter faciunt ex nostris,
equites, aut pedites, has regulas peregrino-
rum suo modo, quantum fieri potest, etiam
seruent: & tam peregrini, quam reliqui, qui
iter faciunt, patentes literas sui Superioris
habere curent.

*Iter facientes
has regulas
seruent.*

